



Te Huataki

Mā te kaiako
Taumata 2 - 4



Ko Te Huataki te hōtaka tuarima o te kohinga pūrākau, He Kōrero. He takiruatanga o ngā kōrero o nehe.

Kuputaka

Waihape

- ka huri, ka hoki atu

Māpouriki

- he wāhanga o te pō

Ngākau rorotu

- he tirohanga wairua pai

Wairuatōa

- kāore i waimarie

Pōhā

- he rimurapa hei pupuri kai

Te Huataki Whakarāpopoto

I Te Whanganui-a-Tara a Te Huataki e noho ana. Ko āna wāhine tokorua he tamāhine nā Tiotio, he ariki, he tohunga anō nō Ngāi Tahu. I a ia e hī ika ana i huri te hau, ā, ka tae kē te waka o Te Huataki ki Te Waipounamu. Ka pōwhiringia a ia e te iwi o reira, ka noho atu, ka moe wahine. Ka huri ngā rā, ka tūpono anō a Te Huataki ki te huringa hau i a ia e hī ika ana, ā, ka hoki kē ki Te Whanganui-a-Tara. I tana hokinga, ka māharahara ki te riri o tōna iwi mōna i pūrere atu. Heoi, i āna kōrero mō Te Waipounamu me te nui o ōna rawa ka piki kē te hīkaka o Tiotio mā.

Mā te kaiako

TIKANGA Ā-IWI Te Takanga o Te Wā
Mātai whakamuri kia anga whakamua

E hāngai ana ngā ariā matua o ngā pūrākau o te kohinga pūrākau, He Kōrero ki ngā whāinga e whā o Te Takanga o Te Wā. Ka tautuhia ki te rauemi nei he aha rā te aronga matua mō te kōrero mō Pūharakeketapu.

- Kei te mōhio ahau nō hea, nō wai hoki ahau.
- Kei te mōhio ahau ki ngā kōrero tuku iho o te takiwā e noho nei au. Kei te mōhio ahau nō hea, nō wai hoki ahau.
- Kei te mōhio ahau ki ā mātou hononga ki takiwā kē
- Kei te mōhio ahau ki ngā kōrero tuku iho o Aotearoa.

Kua tautohua ngā whāinga o Tikanga ā-Iwi e taunaki ana i ngā ihirangi o Te Takanga o Te Wā



Te Reo Matatini

Āheinga Reo

Ka tutuki te whānuitanga o ngā āheinga reo i roto i te wairua ngahau me te hiahia ki te whakawhitiwhiti whakaaro.

Puna Reo

Ka tipu haere tonu te puna kupu me ōna āhuatanga katoa.

Rautaki Reo

Ka whakamahi rautaki reo, ā, ka taea te whakamārama ngā huarahi kua whāia hei whakatutuki i tāna i whakaputa ai, i rongo ai.

Taumata Rua

ā-Waha:

1. Ka whakawhitiwhiti kōrero, ka whakaraupapa kōrero hei whakatutuki kaupapa.

ā-Waha:

3. Ka māia, ka tika anō tana whakamahi i ētahi kupu honohono, kupu mahi, kupu āhua, rerenga kōrero hoki e kawē ana i ngā kare ā-roto.

ā-Waha:

4. Ka kōrero kia whānui ake, kia mārama ake, kia hōhonu ake ngā whakaaro.

Taumata Toru

ā-Waha:

1. Ka mārama ki ētahi kōrero āhua roa tonu.
2. Ka whakapuaki kōrero hei whakaputa māramatanga, tautohetohe rānei kia puta ai te reo whakakapi, te reo patapatai me te reo whakatau.

ā-Waha:

3. Ka whakanikoniko i āna kōrero, tuhinga rānei ki ngā kupu taurite, kupu āhua nā te whānui haere o tana puna kupu.

ā-Waha:

4. Ka mārama ki te anga o ngā momo kōrero Māori ake nei.

ā-Tā:

2. Ka pakari te tuhi me te tā i ngā momo reo tuhi me ngā reo ataata e taunga ana ia.

ā-Tā:

3. Ka tika te tātaki kupu hou ahakoa te horopaki.

ā-Tā:

6. Ka whakamahi rautaki whānui ki te āta whakapūmau i te māramatanga o ngā tuhinga me ngā reo ataata maha.

4. Ka mārama ki ētahi kupu ake o tētahi kaupapa motuhake.

7. Ka whakamahi i ētahi rautaki rangahau.

Taumata Whā

ā-Waha:

1. Ka whakatairite, ka tohutohu, ahakoa te horopaki, i ētahi kaupapa ōpaki, ōkawa rānei.
2. Ka whakapuaki patapatai hāngai tonu, kōrero whakamārama, tautohetohe rānei kia puta ai te reo hīkaro, te reo whakamana hoki.

ā-Waha:

3. Ka mārama, ka whakamahi i ngā kīanga whakaahua, kīanga whakarite hei whakaniko i te kaupapa.

ā-Waha:

6. Ka whakamārama i te hononga o ngā momo kōrero Māori ake nei, kōrero kē atu hoki i roto i tētahi kaupapa ōkawa.

ā-Tā:

2. Ka tīpako i ngā āhuatanga o ngā momo reo tuhi hei whakaniko i ngā tuhinga pono me ngā tuhinga auaha.

ā-Tā:

4. Ka tika te tātaki kupu hou me te whai i ngā ture o te reo.

ā-Tā:

5. Ka whakamahi i ētahi rautaki rangahau mō te huhua o ngā take.

7. Ka whakarōpū i ngā whakaaro e ōrite ana, e hāngai ana ki roto i tētahi mahere tuhituhi, kia kitea ai te noho raupapa mai o te tuhinga.

HE RAUTAKI HEI TAUNAKI I TE AKO

He rautaki pai tēnei hei whakawhitawhita i te ngākau i ngā ākonga e mātakitaki ana i te pakiwaituhi, i a rātou e mahi ana hoki.

1. I mua i te ako, whakaritea he tūtohi huatau pērā i te tauira kei te taha nei. Anei ngā hauraro, 'Tāku e mōhio nei', 'Tāku e hiahia ana ki te ako', 'Tāku i ako ai.' He mahi hei whakarōpū i ngā huatau o ngā ākonga.
2. I mua i te mātakitaki i te pakiwaituhi me te whakamahi i ngā ngohe ka kōrero tahi te kaiako me ngā ākonga mō te wāhi, tēnei mea te whanaungatanga, te hekenga o te Māori me ngā rawa taiao. He pai tēnei hei tīmatanga kōrero mō te ruku i te kaupapa. Tuhia ngā kōrero ki te tīwae, 'Tāku e mōhio nei.'
3. Kātahi ka matapakihia ō rātou hiahia ki te ako mō te kaupapa. Tuhia ngā kōrero ki te tīwae, 'Tāku e hiahia ana ki te ako.'
4. I a rātou e mātakitaki ana, whai i muri hoki, whakaraupapahia ngā akoranga hou ki a rātou ki raro i te tīwae, 'Tāku i ako ai.' He pai tēnei hei mahi arotakenga, hei mahi whakaaroaro.

<i>Tāku e mōhio nei</i>	<i>Tāku e hiahia ana ki te ako</i>	<i>Tāku i ako ai</i>

Te Marautanga o Aotearoa

Tikanga ā-Iwi

Whenu: Te Whakaritenga Pāpori me te Ahurea

2.2 Ka whakamārama i ngā āhuatanga ahurea me ngā tuku ihotanga o tōna ake iwi, me ō ētahi atu iwi hoki.

Whenu: Te Takanga o Te Wā

Whāinga 2: Kei te mōhio ahau ki ngā kōrero tuku iho o te takiwā e noho nei au.

Aronga: Tōku Tū i Te Ao

- Kua rerekē ētahi kōrero tuku iho i te rohe, hapori rānei, tērā anō ētahi kōrero tuku iho kua mau tonu.

Aronga: Ngā Pou Herenga

- He hononga kei waenga i ngā maunga, ngā awa, ngā whānau, ngā hapū me ngā iwi i te rohe.

I mua i te mātakitaki pakiwaituhi

Whakamahia he mahere ki te tautohu i ēnei wāhi:/iwi Te Whanganui-a-Tara, Raukawakawa, Whātaītai, Ngāti Kahungunu, Ngāti Kurī, Kahurangi. Kei hea ēnei wāhi? Ko wai nō ērā wāhi? Wānangahia ngā kōrero mō ēnei wāhi/iwi.

Whakamāramahia he kōrero tēnei mō Ngāi Tahu. Wānangahia he aha te hapū me te iwi me ngā hononga ki te tangata, ki ngā wheako me ngā wāhi.

Whakamahia ngā [kāri pikitia](#) kia waia haere ai ngā ākonga ki ngā kiripuaki me ngā wāhi. He aha ō rātou whakaaro mō te pūrākau? Ka aha? Tukua he kōrero whakapae.

I ngā ākonga e mātakitaki ana i te pakiwaituhi

Mātakitaki i te pakiwaituhi. Kātahi mātakina anōtia, ka tū ki ētahi wāhanga kia whakapaetia ka ahatia ā muri atu. He pātai ā ngā ākonga?

He mahi ā-rōpū, whakamahia te rauemi [poihaū whakaaro](#).

I ngā rōpū iti ka whakarāpopotonga te pūrākau ki ā rātou ake kupu.

He rauemi anō

[Kā Huru Manu](#)

[Google Earth](#)

[He Kōrero: Ngā rauemi tautoko](#)

Te Huataki he whakaraupapa ako

Kei te mōhio ahau ki ngā kōrero tuku iho o te takiwā e noho nei au.

	He pātai whai whakaaro	Hei tukanga	Hei mahi	Hei whakakitenga	Hei arotake
Ngohe 1 – Whanaungatanga	Ohia manomano i te whanaungatanga, te pepeha me te whakapapa.	Whakawhiti kōrero ā-rōpū mō te whanaungatanga te pepeha me te whakapapa.	Tautuhia te take (i pēneitia ai) me ngā pānga ki te whanaungatanga i waenganui i a Te Huataki me Rangitāne, i waenganui i a Te Huataki me Tiotio.	Tūtohi take, pānga hoki.	Whakaarohia/kia takirua/tuaritia.
	Ki te pīrangī whakahoa i tētahi atu, ka aha koe?	Whakapuakihia ngā mātāpono/uara rānei mō te whanaungatanga.	Waihangatia he hoahoa rerenga e whakaatu ana i te hononga i waenganui i a Te Huataki me ērā atu o ngā kiripuaki	Hoahoa rerenga	Tāku i mōhio ai
	I manaakitia a Te Huataki e ētahi atu. He aha te mahi manaaki?	Akona te whakapapa o ngā kiripuaki, he aha ngā hononga?		30 hēkona te roa o te kauwhau mō tō hoa. Whakamāhukitia mai ko wai tō hoa, nō hea ia, he aha rā te mahi pārekareka ki a kōrua?	Whai hononga ki tētahi atu nā tō pepeha
	I whai whenua me ngā rawa a Te Huataki. Nā te aha i whiwhi ai?	Whakapuakihia tō pepeha.	Ko wai tō hoa? Tākaro i te kēmu, 'Ko wai au?' Tukua he tiwhiri mō te whanonga me te āhua o te tangata.		

Ngohe 2 – Hekenga

He pātai whai whakaaro

Nā te aha a Te Huataki mā pīrangī ai ki te hūnuku atu i Te Whanganui-a-Tara?

He kaupapa hirahira ki te ako kōrero mō te hekenga o Ngāti Kurī, o ētahi atu iwi rānei? He aha ō whakaaro?

Ka hūnuku whare ētahi tāngata, ka hūnuku ki rohe kē, ki tāone kē, ki whenua kē rānei. He aha te take e pērā ai?

Hei tukanga

Tautohua ēnei wāhi: Te Whanganui-a-Tara, Whāitaitai, Raukawakawa, Kahurangi. Google Earth visit. – Waihangatia he whakaaturanga

Wānangahia ngā raru i waenga i a Ngāti Kurī me Ngāti Kahungunu. I pēhea te whakatau mauri?

Uia tō whānau. Kua hūnuku rātou ki wāhi kē atu? He aha ngā painga o te neke whare, o te neke tāone, o te neke whenua?

Hei mahi

Ākina ngā ākonga kia pohewatia te wāhi taurikura kia arohaina ngā whakaaro me ngā kare ā-roto.

Tikiake i te tātauira "[Wāhi Taurikura](#)"

Hangaia he waka hei whakataetae. Pūhia te waka kia tere atu ai.

Tākaro i te kēmu "[Papa Kēmu](#)"

Hei whakakitenga

Whakaaturia tō mahere e tohu ana i ngā wāhi hirahira.

Whakaaturia he whakataetae waka, e whā ngā wāhanga whakataetae

-te waka rewa pai

-te waka tere rawa atu

-te waka auaha

-te waka kaha

Hei arotake

Ka taea e au te whakapuaki ōku whakaaro me ōku kare ā-roto hoki mō tēnei pūrākau, te whakautu tika hoki āku whakautu kia mārama ai te tangata.

Ngohe 3 – Ngā rawa taiao

He aha ngā momo rawa taiao me ngā kai i tautohua i te pakīwaituhi?

He hirahira ēnei rawa? He aha ai?

He aha te tikumu? Hei aha te tikumu? Ka tipu i hea?

Rangahaua, matapakihia ngā momo rawa o te taiao me ngā kai i Te Ika a Māui me Te Waipounamu.

Toro atu ki te whare pupuri taonga i tō tāone. Tirohia ngā rawa taiao. Tēnā pea ka kitea he tikumu, he pōhā, he taputapu kai o mua hoki.

Hangaia he kauri, whakamahia te tātauira "[Hanga Kauri](#)". Kohia rānei ētahi rawa i te taiao hei hanga kauri.

Rangahaua ngā momo manu, ngā tipu, ngā rawa o te taiao. Whakamahia te rauemi "[Kāri Ngohe](#)" hai āwhina i tō mahi rangahau.

Tuaritia tō kauri.

Toro atu ki te awa, te ngahere, ki tātahi, ki te mārā pea kia whakaahuatia he rawa taiao. Tāngia, whakaaturia.

Whakaarohia/kia takirua/tuaritia.

Tāku i mōhio ai.

Te Huataki: He Whakawhānuitanga

	He pātai whai whakaaro	Hei tukanga	Hei mahi	Hei whakakitenga	Hei arotake
He whakawhānuitanga – Reo peha	<p>He aha te rerekētanga o te whakatauaāki i te whakatauki?</p> <p>He aha ngā momo kiānga kei te mōhio ngā ākongā hei whakaniko i te reo?</p>	<p>Tautohua ētahi reo peha kei te mōhio koe/koutou.</p> <p>Akona te whakatauaāki nā Te Huataki 'Nā, he ara mōu. Ko tōku tuarā.' Wānangahia te tikanga.</p> <p>Nāia ētahi reo peha i te pakiwaituhi nei.</p> <p>-Wehi katoa ana</p> <p>-E kore a muri e hokia</p> <p>-Mate kāinga tahi, ora kāinga rua</p>	<p>Tuhia he rārangi o ngā whakatauaāki/whakatauki e mōhiohia nei.</p> <p>Waihangatia he kēmu, he mahi ā-ringa ki te whakaatu i te tikanga o te whakatauaāki.</p>	<p>Whakaatu i te kēmu, i ngā mahi ā-ringa rānei e whakatairanga ana i te tikanga o te whakatauaāki.</p>	<p>Whakapuakihia tētahi kiwaha, tētahi whakatauki rānei.</p> <p>Tāku i mōhio ai.</p>
He whakawhānuitanga – Reo ā-iwi	<p>He aha te mita o te reo?</p> <p>He aha te reo ā-iwi?</p> <p>Nō hea koe? Kei te mōhio rānei koe ki t/ētahi kupu nō tō iwi, nō iwi kē atu? He aha aua kupu?</p>	<p>Wānangahia tēnei:</p> <p>I ētahi wā ka kite, ka rongu koe i te mita o Kāi Tahu, mō te 'ng' he 'k' kē.</p> <p>Hai tauira: rika = ringa</p> <p>Kōrero ki tō rōpū mō ngā kupu ā-iwi pērā i tēnei, ki Ngāi Tahu he taotao, ki iwi kē atu he matimati.</p>	<p>Akona ēnei kupu Ngāi Tahu i te pūrākau nei:</p> <p>-Watu - hoatu</p> <p>-Weruweru - kākahu</p> <p>-Pōua - koroua</p> <p>-whaimomoka - he kēmu huna me te rapu</p> <p>Tito waiata/rotarota māmā me ēnei kupu hou.</p>	<p>Rekoatia tō Waiata</p>	<p>Tautuhia tētahi kupu nō iwi kē atu, whakamārama atu</p>
He whakawhānuitanga – Hau	<p>I pupuhi te hau, i pūhia a Te Huataki ki Te Waipounamu.</p> <p>He aha ngā momo hau e mōhiohia nei?</p> <p>He mea nui te hau i roto i ngā kōrero o nehe. Wānangahia ngā pūrākau e mōhiohia ana.</p>	<p>Rangahaua a Tāwhirimātea.</p> <p>Rangahaua a Ururangi.</p> <p>Tūhuratia ngā momo taonga pūtētere.</p> <p>Whakarongo ki ngā oro o ngā momo taonga pūtētere.</p> <p>Tūhuratia ngā pāmu hau i Aotearoa</p> <p>Akona te kāpehu hau i tō rohe.</p>	<p>Hangaia he waka. Pūhia tō waka ki te pū ngote mā runga wai.</p> <p>He kōwhiringa:</p> <ul style="list-style-type: none"> Waihangatia he manu aute hei whakarere. Waihangatia he taonga pūtētere hei whakatangi. Hangaia he pūrere kapohau hei whakahuri. 	<p>Whakaaturia tō manu aute/taonga pūtētere / pūrere kapohau</p>	<p>Ka taea e te ākongā te whakamārama i tētahi kōrero mō te hau me tana hiranga ki a tātou.</p>